



UNIVERSITÄTS-  
BIBLIOTHEK  
PADERBORN

**Institvtionvm// Ad Vniversvm// Ivs Pontificivm, Sive//  
Canonicvm, Libri Qvatvor**

**Lancellotti, Giovanni Paolo**

**Basileae, 1566**

xxviiij. De Peculio Clericorum, Relictis, & Successionibus eorum.

---

[urn:nbn:de:hbz:466:1-61756](https://nbn-resolving.org/urn:nbn:de:hbz:466:1-61756)

ribus Ecclesie dubio procul intelligitur esse auocata.

*Decimæ, & oblationes præscribi non possunt. h. d.*

Proventus tamen primitiarum & decimationum præscriptione tolli non poterunt, etiã si à Romano Põrifice laicus qui libet super his rescriptum impetrauerit.

DE PECVLIO CLERICORUM, RELICTIS, & SUCCESSIONIBUS EORUM,

TITVLVS XXVIII.

*Ecclesiasticæ reputantur etiã res illæ, quas sacerdos acquisiuit, cum tempore suæ promotionis nihil haberet, qui sub pænis hic contentis curabit, ut de rebus à se emptis ad nomen Ecclesie scripturam conficiat. h. d.*

**E**Rgo res Ecclesiasticas ab Ecclesie iuribus abdicare non licet. Ecclesiasticas autem res intelligimus, nõ modò quas Ecclesie rationibus sacerdos comperit ascriptas, sed etiam eas, quas is emerit, cum tempore suæ promotionis nihil haberet. Cum igitur & hæc, tanquam de bonis Ecclesie quæ sita eiusdem esse intelligatur, ne quando ius Ecclesiasticum imminuatur, curabit sacerdos, vt de his, quæ superemerit, & ad ipsius Ecclesie nomen scripturam conficiat, & Ecclesie relinquat, alioqui ab eius ordina-

*cap. 2. ext. cod.*

tionem discedet. Qui verò prætextu proprii<sup>b</sup>, vel alieni nominis fraudem facere voluerit, sacrilegij crimen incurret.

*Relictum sacerdoti pro anima censetur relictum Ecclesie: secus est, si quid ei sit relictum sub onere fideicommissi. h. d.*

Sed & si nõ emerit, sed p̄ anima quispiam intuitu Ecclesie sacerdoti reliquerit, adhuc idem statuendum erit. Cõgruit enim, vt quemadmodum sacerdos habet, quod ecclesie dimissum est, ita & Ecclesia id habeat, quod relinquetur sacerdoti. Si quid tamen per fideicommissum, aut sacerdoti, aut Ecclesie relictum fuerit, alteri postmodum profuturum, id inter Ecclesiasticas facultates computandum nõ erit.

*Bona quæ sita sacerdotibus intuitu Ecclesie, debent remanere apud Ecclesiam, nec de his potest quis testari, & quid contineatur nomine Ecclesie. h. d.*

Generaliter igitur bona quæ libet ob ecclesiam acquisita sacerdotibus, siue mobilia, siue immobilia, post illorum obitum debent apud eandem remanere, nec super his vllum de iure testamentum fieri poterit. Nomine autem ecclesie, vbi clericorum est collegium, non Episcopus, vel morientis clerici successor, sed congregatio communis intelligitur, quæ rerum illarum curam & Canonicam debet habere distributionem. Vbi autem in locum defuncti vnus

*cap. pen. ext. cod.*

*cap. relati. el 2 ext. de testam.*



nus tantum substituendus erit, is ea bona, velut & alia, dispensabit.

*Clerici possunt maxime accedente iusta causa de bonis Ecclesiasticis facere eleemosynam. h. d.*

*d. cap. relatum. cl. 2. §. licet. ext. de testam.*

Licet<sup>a</sup> autem clerici, nec de mobilibus ipsis testamentum conficere possint, consuetudinis tamen est non improbatæ, vt de his pauperibus, & religiosis locis, & his qui viuenti seruiuerint, siue sint consanguinei, siue extranei, aliqua iuxta seruitij meritum conferantur, non testamenti ratione, sed eleemosynæ duntaxat intuitu<sup>b</sup>.

*b. cap. ad hæc. ext. de testam.*

*Potest quis tantum legare de bonis Ecclesiasticis, quantum contulerit Ecclesiæ. h. d.*

Item si tantumdem de proprii Iuris facultate contulerit Ecclesiæ, quantum de Ecclesiasticis bonis legauerit, legatum substinebitur.

*Clerici possunt testari de his, quæ acquirunt non intuitu Ecclesiæ. h. d.*

*c. cap. quia nos. ext. de testam.*

De his verò<sup>c</sup>, quæ aut paternæ successione, vel cognationis intuitu, seu consanguineorum, vel amicorum munere, respectu nõ

habito ad ecclesiam, ad clericos peruenerint, liberè testari poterunt.

*Clerico ingenuo deficientibus successoribus ab intestato succedit in totum Ecclesia h. d.*

Quòd si decesserint intestati<sup>d</sup>, nec aliqui fuerint inuenti, qui iure cognationis ipsis succedere valeant, si ingenuis gaudeant natalibus, in integrum tunc Ecclesia succedet, nec cuiquam ex rebus eorum aliquid præsumere licebit.

*d. cap. 1. ubi etiã gl. ext. de success. ab intest.*

*Bona serui promoti ad sacros ordines ab intestato decedentis diuiduntur in quatuor partes, ut hic. h. d.*

Si verò seruus<sup>e</sup> ad sacros ordines promotus, libertatem nactus fuerit, idemque postea decesserit intestatus, nihil olim dominus de bonis eius vindicare poterit, sed eius peculiũ in quatuor partes diuidetur, quarum vna Episcopo, altera Ecclesiæ, tertia pauperibus assignabitur, quarta parentibus: & si nõ sint capaces parentes, Episcopus eam recipiet, & in usum Ecclesiæ diligenter distribuet.

*e. cap. 2. ext. de success. ab intest.*

FINIS LIBRI SECVNDI.